



HURIA KRISTEN BATAK PROTESTAN (HKBP)
FAJAR RESSORT LABUHBARU DISTRIK XXII RIAU
Alamat : Jl. Fajar No. 73, Labuhbaru – Pekanbaru

Pdt Ress. 0813-9705-2229, Pdt. Fungs. 0813-1485-5982, Biv 081361545483, Pdt. DP 0852-7136-6131
CPdt. RR 0822-8284-2490, Admin Kantor 0812-6631-5787 Website: www.hkbpfajar.org



PELAYAN	JUMAT AGUNG I PUKUL 06.00 WIB	JUMAT AGUNG II PUKUL 09.00 WIB	JUMAT AGUNG III PUKUL 11.00 WIB
Khotbah	Pdt. Pantas Parapat, M.Th	Pdt. Pantas Parapat, M.Th	Pdt. Ricky F. Manalu, S.Th
Liturgis	St. P. Manalu	Biv Rusliana Silalahi	Biv Rusliana Silalahi
Song Leader	St. H. Tarihoran St. R. Br. Tampubolon Cintha br. Tampubolon	CH. Simanungkalit Eva br. Simanjuntak Tiara br. Togatorop	St. L. Hutagaol St. D. Br. Siahaan Ny. St. U. Manurung / br. Panjaitan
Pemusik	Vincent Simbolon	Vincent Simbolon	Vincent Simbolon
Multi Media	Trinada br. Manurung	Kenzo Togatorop	Nalita br. Silaban
Penerima Tamu	St. DP. Simatupang St. JT. Ritonga	St. W. Panjaitan St. P. Hutapea	St. R. Simanjuntak St. M. Manik
Persembahan	St. A. Br. Silitonga St. M. Br. Hutabarat St. HT. Simanjuntak	St. CFS. Simangunsong St. J. Simamora St. R. Br. Tampubolon St. P. Tampubolon	St. UD. Br. Tamba St. J. Situmorang St. SH. Malau St. GHS. Hutahaeen

IBADAH SEKOLAH MINGGU PUKUL 07.00 WIB

Khotbah	CPdt. R. Br. Rajagukguk, S.Th
Paragenda	St. H. Tarihoran
Petugas	GSM
Song Leader	GSM
Pemusik	Luisa br. Siregar

**PARTORDING NI ACARA
PARNINGOTAN ARI HAMAMATE NI
TUHAN JESUS KRISTUS**

 **Ev: Markus 15 : 33 - 41**

 **Ep: Sakaria 9 : 11 - 17**

**TOPIK :
“TOS MA HOSANA”**

HURIA KRISTEN BATAK PROTESTAN (HKBP)
Jumat, 18 April 2025

Joujou Tu Parsaoran:

U: Hamu angka dongan sahuria, marpungu hita nuaeng di bagas joro on laho patupahon parpunguan Parningotan Hamamate ni Tuhan Jesus na pataridahon holong ni roha ni Debata na so halompoan tu hita jolma manisia pardosa. Taida ma induk ni haporseaonta na manaon haporsuhon dohot haleaon ala ni hita.

H: Hita hian do na ingkon hona bura ni patik alai sude bura i nunga dituhuk Jesus, Anak ni Debata Parholong roha na so hatudosan i.

U: Marhite parpunguantu di Parningotan Hamamate ni Tuhan Jesus on lam tangkas di rohanta naung dipaombun Debata rimasNa tu hita. Mansai balga asi ni rohaNa mida hita pardosa on. Marende ma hita:

1. Marende BE. HKBP No. 76 : 1 - 3 “SADA NAMA SANGKAP NI ROHANGKU”

♫♫ *Sada nama sangkap ni rohangku di sandok portibi on. Ndang tagamon na so las rohangku molo jumpang au inon.. Naeng ma sai ingoton ni rohangku na binaen ni Jesus tu tondingku. Uju pinorsanNa i saluhutna dosangki*

♫♫ *Ingkon sai Ibana ingotonhu uju na tarpajal i. Tu hau pinarsilang. ginantunghon sai mabaor mudarNa i. Ai humophop au ditaon uasNa asa dohot au muse upaNa. Ai ditatap do au on di pandokNa “Nunga sun”*

--Jongjong--

♫♫ *O Jesusku sai paingot ahu di dosangku di basaM. Ai andorang di na holom ahu dipalambas Ho rohaM. Nunga leleng dilului Ho do au na lilu asa unang mago. Ditaon Ho na bernit i lao manobus tondingki*

2. VOTUM – INTROITUS – TANGIANG:

U: Marhitehite Goar ni Debata Ama, dohot Goar ni AnakNa Tuhan Jesus Kristus, dohot Goar ni Tondi Parbadia na tumompa langit dohot tano on. **Amen.** Sintua ni malim sisongon i do tama di hita, na badia, na so jahat, na so marlindang, na marbolat sian angka pardosa, naung gabe tumimbo sian angka banua ginjang. Na so pola ganup ari songon angka sintua ni malim i mamboan jumolo pelean taringot tu angka dosana sandiri, dung i taringot tu dosa ni natorop i, ai sahali do i diulahon, di na mamelehon diriNa Ibana. **Haleluya!**

H: (Mangendehon): Haleluya Haleluya Haleluya

U: Martangiang ma hita! Ale Amanami jala Debatanami! Parasiroha na sumurung do Ho di sude jolma manisia. Nunga dilehon Ho AnakMu, Tuhan Jesus Kristus Tuhannami, manaon haleaon dohot siak ni bagi, pola mate tarsilang, asa malua hami sian gomgoman ni sibolis. Sai parrohai ma hami mamingkiri panaonon ni AnakMu, asa maruli hami marhite sian i di hasesaan ni dosa dohot di haluaon sian hamatean paduahalihon, asa dapot hami hangoluan salelenglelengna marhitehite Tuhan Jesus Kristus Tuhannami, Anak haholongan ni rohaM. Amen.
(Hundul)

3. Marende BE. HKBP No. 412 : 1

“NDI DI DOLOK ADUI”

♫♫♫ Ndi di dolok adui silang ni Tuhan i sap mudar sap tijur do i. Jesus mate disi asa malum dibaen sude angka gondok roha i. Dibaen i tung holong rohangki mida silang di Golgata i. Hupasolhot diringku tusi dompak surgo pardalananhi

4. P A T I K :

U: Tangihon hamu (Tatangihon) ma Patik ni Debata, i ma **Heber 12 : 2.** “Tabereng ma induk ni haporseaon i jala na paujunghonsa, i ma Jesus, na manaonhon parsilangan i, singkat ni las ni roha, tohapNa i hian, so dietong i hilaon, gabe hundul di siamun ni habangsa ni Debata!” *I do sahatna. Antong, rap mangido gogo ma hita sian Tuhan Debata!*

U+H: Ale Tuhan Debata sai pargogoi ma hami mangualahon na hombar tu PatikMi. Amen.

5. Marende BE. HKBP No. 411 : 1 - 2 “NANG PE RARA DOSAMU”

♫♫ Nang pe rara dosamu ias dibaen mudarHu. Nang pe rara dosamu ias dibaen mudarHu. Na dapdap songon hasumba songon itak do. Nang pe rara dosamu nang pe rara dosamu. Ias dibaen mudarHu ias dibaen mudarHu. (Jongjong)

♫♫♫ SoaraNa manjouhon o pauba rohamu. SoaraNa manjouhon o pauba rohamu. Ai na asi do rohaNa sai dipio ho. SoaraNa manjouhon soaraNa manjouhon. O pauba rohamu o pauba rohamu

6. MANOPOTI DOSA:

U: Tatopoti ma dosanta, martangiang ma hita! Ale Tuhan Debata, Ama ni Tuhannami Jesus Kristus, Ho do Debata pargogo na so hatudosan, sitompa nasa

na adong, paruhum na tigor, na manguhumi jolma manis! Na ro do hami tu joloM manopoti dosanami, angka na huula hami marhite sian pangalaosionnami di PatikMu, i ma marhite sian tubutubu ni rohanami na roa i, nang sian panghataionnami na so ture, ro di pangoloionnami di hisaphisap ni rohanami. Na tama situtu do hona uhum hami ala ni dosanami i, alai na tarsolsol bagi do hami nuaeng ala ni i. Asi ma rohaM di hami, ale Debatanami. Pardengganbasa jala Parasiroha do Ho ala ni Anak haholongan ni rohaM, Tuhan Jesus Kristus Tuhannami. Sai sesa ma dosanami saluhutna, jala suru ma Tondi Parbadia tu rohanami be, asa tarbahren hami mangoloi Ho di bagasan hatigoran dohot habadiaon, gabe sahat hami tu hangoluan na so ra suda, na pinarbagabagaM di angka na porsea di AnakMu, Tuhan Jesus Kristus, Tuhannami. Amen. **Bagabaga ni Debata taringot tu hasesaan ni dosa!** Ala ni pangalaosionta do umbahren na tartullang Kristus, jala binahren ni hajahatonta do Ibana mabugang. Ampe tu Ibana pinsangpinsang parhitean ni hasonanganta, jala binahren ni bugangNa malum itahilala. Hasangapon ma di Debata na di ginjang.

U+H : Amen.

(Hundul)

7. Marende BE. No. 82 : 1 - 2

“O JESUSHU TU BUGANGMU”

♫ O Jesushu tu bugangMu ro marsomba rohangkon. Sai tarpuji sai tarpuji, na pamalum tondingkon

♫ Tung di patMu o Jesushu, solsolanhu rohangki. Tangisanhu na tinaonMu ala jat ni rohangki

8. E P I S T E L:

U: Tangihon hamu (Tatangihon) ma Hata ni Debata turpuk Epistel di Parningotan Ari Hahamamate ni Tuhan Jesus on, tarsurat di **Sakaria 9 : 11 - 17**, Ho pe marhitehite mudar ni parpadanonmu paluaonHu angka na tarbuang sian ho, sian godung na so marisi aek.

H:Mulak ma hamu tu huta na gonting, hamu ale angka na tarrante na marpangkirimon dope! Gari sadari on Ahu mamaritahon hian: Silompit dua do pasuangonHu tu ho.

U: Ai hira sior husintak Juda di Ahu, jala huparade ia Epraim tu parporangan, jala husunggul angka anakmi, ale Sion, dompak angka anakmu, ale tano Gorik jala bahenonHu ma ho hira podang ni ulubalang.

H: Jadi tarida ma Jahowa di atas nasida, jala ruar sumbiaNa, songon hilap, jala paluon ni Tuhan Jahowa ma sarune, jala marhitehon angka habahabab sian dangsina Ibana mardalan.

U: Jahowa Zebaot mangondingi nasida, gabe suda panganon nasida jala luntakhononna angka batu ni ambalang; jala minum nasida jala marhariburon hira sian anggur, gabe gok nasida songon saon pangurasan, songon angka suhi ni langgatan.

H: Jadi di ari na sasada i lehonon ni Jahowa, Debatanasida ma tua tu nasida, songon tu parduan birubiru ni bangsona, ai angka batu ni tumpal do nasida, angka na gabe partonggol di atas ni tanona.

U: Ai aha hinadengganna, jala aha hinaulina? Dahanon pasimbur magodang angka dolidoli, jala anggur angka na marbaju. *I do sahatna. Martua do angka na tumangihon Hata ni Debata jala na umpeopsa.*

U+ **H: Amen.**

9. Marende BE. HKBP No. 622 : 1 – 2“MANSAL NALNAL DI ANGKA PARTINGKIAN”

♪♪ *Mansal nalnal di angka partingkian sinondang ni silangMu Tuhanhi. Sian hatiuron na marsinondang holongNa na so halampoan i. Sude na bangso do marpanghirimon tu sondang ni asi ni roha i. Songon parluga na manghalungunhon parbinsar ni mata ni ari i. ----- Jongjong -----*

♪♪♪ *SilangMu Kristus tanda ni holongMu pahisar tondi na magopu i. Mangalononghon sasude dosangu mabaor tu laut asi ni rohaMi. Naung tubu hami gabe na imbaru na ni urasan sian dosa i. Ala mudarMu na ni usehonMu di Golgota di hamamateMi*

10. MANGHATINDANGHON HAPORSEAON:

U: Tahatindanghon ma haporseaonta i, songon na hinatindanghon ni donganta sahaporseaon di sandok portibi on. Rap ma hita mandok!

H: Ahu porsea di Debata Jahowa.... d.u **(Hundul)**

11. SUNGGULSUNGGUL :

12. Marende BE. HKBP No. 81 : 1--- “JESUS MUAL NI NGOLUNGKU”
(Pelean Ia & Ib)

♪♪ *Jesus mual ni ngolungku Sipangolu tondingki. Ai dibunu Ho musungku ima hamatean i. Ho manaoni hamagoan patupahon hangoluan. Alani hupuji Ho tung marribu hali do.*

♪♪ *Haleaon insakhinsak reherehe tijur pe. Tali dohot pastappastap tung ditaonhon Ho sude. Paluahon au na pogos sian tangan ni sibolis. Alani hupuji Ho tung marribu hali do.* -----Musik-----

♪♪ *Bugang sada tanggurungMu di na hona linsing i. Hamamalum ni buganghu na di rohangki do i. Ho do gabe binuraan au dapotan hangoluan. Ala ni hupuji Ho tung marribu hali do.*

♪♪ *Sungsang duri ditumpalhon panginsahi i tu Ho. Jala tolong dilibashon tu uluM pasiak Ho. I ditaonhon Ho Tuhanhu ala ni hajungkatonhu. Ala ni hupuji Ho tung marribu hali do.* -----Musik-----

♪♪ *Tung tanganMu dohot patMu ditorusi labang i. Jadi tiris ma mudarMu sian hau parsilang i. I do mual paridian di au jolma na hansitan. Ala ni hupuji Ho tung marribu hali do.*

♪♪ *Sai pinuji ma GoarMu ala ni na bernit i. Dohot ala ni mudarMu Jesus na nilehonMi. Lao pasaehon dosanami asa unang mago hami. Ho hupuji ala ni Salelenglelengna i.* -----Musik-----

13. J A M I T A: Markus 15 : 33 - 41

14. Marende BE. HKBP No. 86 : 1- 5 “SILANG NA BADIA I”
(Pelean II & Diakonia)

♪♪ *Silang na badia i Ho do lombulombangki. Maralohon dosa i dohot pandeleian i. Di sude sitaonon i Ho ma lombulombangki.*

♪♪ *Nasa na huula i ndang tau hasonanganhi. Nang ringkot pe rohangki pola ro nang ilungki. Holan asi ni rohaM pangurupi o Tuhan* -----Musik-----

♪♪ *Ro do au nuaeng tu ho sai palambas ma rohaM. Nunga pola mate Ho ala asi ni rohaM. Jangkon au na dangol on sai ulosi tondingkon.*

♪♪ *Dosa patundukhon au ho ma mangondihon au. Ramun situtu do au mudarMi mamuri au. Na pogos dangol au on Ho ma artangki tongtong* -----Musik-----

♫ *Silang na badia i Ho do lombulombungki. Molo puas hodokhi di na suda bohalhi. Di sude sitaonon i Ho ma lombulombungki.*

(Jongjong)

15. Pangujung: Tangiang Pelean – Tangiang Pesta Hamamate ni Tuhan Jesus - Tangiang Ale Amanami - Tangiang Pasupas:

U: Tatangianghon ma peleanta! Ale Debata, Amanami na di banua ginjang! Ho do haroroan ni saluhut silehonlehon na denggan dohot nasa ulibasa na mauiutus. Hupasahat hami ma sian na nilehonMi tu hami, peleannami tu Ho. Sai jalo ma i gabe uap na hushus di joloM. Pasupas ma i jala ramoti asa huparhaseang hami pelean on, patimbulhon harajaonMu di tongatonga ni huriaM dohot di portibi on. Buhai ma rohanami marhitehite TondiM, asa lam hutanda hami godang ni silehonlehonMi tu hami, asa lam girgir hami mandok mauiate tu Ho, marhitehite Jesus Kristus Tuhannami. Amen.

H: (Mangendehon) BE. HKBP No. 204 : 2 “NDANG TADINGHONONHU HO”

♫ *Nasa na nilehonMi, tondi ro di pamatanghu. Hosa dohot gogongki, ro di saluhut artangku. Hupasahat i tu Ho, na so unsatonhu do.*

U: Ale Tuhan Debata, Amanami, na marhabangsa di atas ni saluhut! Nunga patar huida hami holong ni rohaM na godang i. Gumodang do i sian holong ni roha ni amaama dohot inaina di anakhonna. Tung na so tartimbang do godang dohot arga ni silehonlehonMu di hami. Ai AnakMu na sasada i disuru Ho gabe jolma, manaon pardangolan, insakinsak dohot pastappastap gabe tarpajal Ibana jala tu hamatean humophop hami. Mauliate ma rohanami, ala naung sae utangnami, jala malua hami sian dosa, sian hamatean dohot sian gomgoman ni sibolis; ala ni i pujionnami ma GoarMu na badia i, ala naung dipatupa AnakMu pardomuan, pardenggannannami tu Ho. Ale Tuhan Jesus Kristus, birubiru ni Debata, naung mamorsan dosanami dohot dosa ni hajolmaon! Mauliate ma rohanami tu Ho jala pujionnami ma Ho ro di saleleng ni lelengna. Sai tatap ma HuriaM, na hinophopMu jala na pinapunguMi. Sai pahot ma di hami hasesaan ni dosa dohot dame na pinatupaMi. Sai paiaas jala parbadiai ma hami, asa tarboan Ho hami tu banua ginjang pasaorhon hami tu angka na badia i. Sai bunu jala parsilangkon ma jolma na buruk i dohot sangkapsangkap na roa na di bagasan hami, asa unang marlindang hami mandapothon Ama na di banua ginjang i. Hupasahat hami ma dirinami tu Ho, jala hulehon hami rohanami bahen ingananMu, ala

naung dihophop Ho hami. Di Ho ma hami jala Ho di hami, sai unang loas hami sirang sian Ho; dongani ma hami jala saor ma Ho tu hami. Sai patogu ma haporseaonnami tu Ho, asa hot langkanami ro di ujung ni hamatean. Sai ramoti ma angka ruasMu na mamaritahon holong ni rohaM dohot dalan naung pinatupaMi. Antong manang mangolu manang mate pe hami, Ho do Tuhannami dohot Rajanami. Sai asi ma rohaM, ingot ma hami di hasangaponMi jala boan hami tu hasonangan na di lambung ni Debata. **Amen.** Ale Amanami na di banua ginjang! Sai pinarbadia ma GoarMu! Sai ro ma harajaonMu! Sai saut ma lomo ni rohaM di banua tonga on songon na di banua ginjang! Lehon ma tu hami sadari on hangoluan siapari! Sesa ma dosanami songon panesanami di dosa ni dongan na mardosa tu hami! Unang hami togihon tu pangunjunan! Palua ma hami sian pangago!

H: (Mangendehon): BE. HKBP No. 841 : 1 “Ai Ho Do Nampuna Harajaon”

♪♪ Ai Ho do nampuna harajaon, dohot hagagoon. Ro di hasangapon saleleng ni lelengna Amen

U: Tangiang Pasupasu.

H: (Mangendehon) ♪♪♪ Amen Amen Amen